

七言小詩  
五言四韻

保閑齋集  
二







保閑齋集卷第五

七言小詩

次鏡城東軒韻

錫宴春懽到十分  
玉山頽了醉將軍  
男兒知遇忘身計  
袖裏青蛇映塞雲

以吾郎哈與方知  
介相攻殺承命行  
巡安集尋下諭令  
臣宴慰都節制使  
楊公故云聞曹行  
源還京寄示

聞說君從萬里歸  
正當桃李滿城時  
和戎未了還無日  
春盡關山客夢遲

前年君去我還歸  
今日君歸我北陲  
始信人生無會合  
天涯孤客泪連瀾



身擁旌旗並塞山  
桑弧畢竟誤儒冠  
春深客久多  
歸思天外停雲入眼寒

次會寧東軒韻

民虜耕耨與雜居  
俗知弓劍不知書  
百年前地今  
為鎮阿木河流繞古墟

客裏悠悠送日居  
題詩聊且把中書  
北來春盡無  
情況但見長江隔虜墟

絕地寧無貨可居  
功名不在記名書  
男兒結髮桑  
弧志擬掃蜂屯女真墟

次穩城東軒韻

塞中三月始知春  
芳草幽花待雨新  
曉見野田遺  
積在昇平聖澤及邊民



邊城客又送殘春時物紛紛觸眼新欲問金人當  
世事不知那箇是遺民

獨坐偶吟呈康金兩同年

雨餘躑躅山杏花寒食春歸欲奈何萬里遠遊同  
寂寞隔江青草野人家

又用前韻呈主人節制

客裏悠悠空見花良辰何處醉無何主人亦我同  
年交盃酒應忘波自家

次李德輿韻

與君情契謝機關投漆飲醇無世間贈別數篇清  
什在客中憑仗遣孤閑

萬里羈遊帶北關一春歸思五雲間良辰鳳沼多



清暇日把黃封醉占閑

內相風流捻少年芳菲况屬艷陽天北中春盡花  
初放西夏山前躑躅然

邊城刀斗夜如年明月長江塞外天春夢羈愁撩  
亂在殘燈孤館坐蕭然

醉出都門似夢中依稀猶記拜尊翁珠璣既失今

還得長詠身忘在塞東

贈詩失而還得

悲笳孤角繞胡中千里誰憐塞上翁萬騎青綃磨  
土暗雲連長白海天東

僕出京之日尊大人恩府見餞於晉齊院  
授僕以年兄贈別詩僕受而袖之醉甚則  
墮於途中從事康公尾至得之授漢從者



而不以告我其日醉中授詩之事依稀猶  
在心頭而無與為質一日在穗城探藥囊  
得詩問知其由亦大奇事每一吟咏寂寞  
中足為良友謹次清韻錄奉左右幸為院  
中諸公一誦一喙前日院中來書每審向  
康如今想已寧裕日陪雲仗懸企懸企僕  
待遠人未至處處稽留正如西域賈胡時  
漸草長馬健虜計難測浮言日至部署鎮  
兵往來提督兵事萬端頭髮頗有白婆娑  
至此想為交舊所憐行人促發書不盡懷

寄呈承政院

千里承恩喜氣新龍鍾塞下遠遊人邊民手額知



榮耀那段山前醉送春

天順己卯春承命行邊安集野人到穩

城待遠人未至留數日城新移館舍開明

心且安焉時從事康公孝文兵使首領金

公好仁從僕皆同年也主人僉制亦於僕

為同年同年四人不期而會真大奇事於

是吟兩絕破閑三公亦各有和月晦在慶

源而林公糊為軸以為後日觀亦大好事

也又用其韻題一絕以歸之

北來春盡始開花報道東君奈尔何遠客四人同

榜友相將客久便成家

兵使用前韻見和又答呈



一枝窻外雨中花似道春歸乃我何蝴蝶且休相  
見擾男兒有夢不還家

躑躅開殘到李花廉纖時雨又如何客窻可寄須  
更與芳草孤城塞上家

兵使慰宴又用前韻奉呈

病卧數日無復欲  
聽悅多折李花以

至極壁無不  
亂神故戲之

三行歌舞滿頭花其奈龍鍾病客何南望五雲應  
不遠明朝上馬我還家

又答金首領詩有勸酒語是日以病不飲酒  
春風已盡對餘花病裏當盃可若何會合方殷離  
思急一城微雨萬人家

前詩韻窮續韻以屬諸公共詠



頭上涿光瞥眼過塞天愁緒雨絲多舉白誰人能  
引滿不妨清咏雜絃謠

又用前韻

邊城初夏雨新過那段山前草色多數日清歡猶  
未足尊前驟舞雜胡謠  
更漏丁東客耳過歸心一夜雨聲多諸公且莫論  
萍梗從古驪駒有別謠

慶源伯張同年作軸求詩為題兩絕奉還

邊城舊友喜相逢數日開歡醉夢中計子瓜期應  
未久相迎痛飲趁秋風  
人生何處不相逢盡角胡茄談笑中誰道塞邊時  
節晚綠陰芳草已薰風



次高山站軒朴延山詩韻

館前嶺路正盤空碧岫晴雲兩面同  
蒼松積雪一觀歸路綠陰中

浮雲人言此地分携人  
處處山空語別離

別生首領

關西之遠難入庭請  
君若此空山二百里

寄平史聖司曹行源

平生未及日生  
曉邊華髮兩三三

別生首領

平生未及日生  
曉邊華髮兩三三



卷之四

卷之四

三  
一  
二  
三  
四  
五  
六  
七  
八  
九  
十  
十一  
十二  
十三  
十四  
十五  
十六  
十七  
十八  
十九  
二十  
二十一  
二十二  
二十三  
二十四  
二十五  
二十六  
二十七  
二十八  
二十九  
三十  
三十一  
三十二  
三十三  
三十四  
三十五  
三十六  
三十七  
三十八  
三十九  
四十  
四十一  
四十二  
四十三  
四十四  
四十五  
四十六  
四十七  
四十八  
四十九  
五十  
五十一  
五十二  
五十三  
五十四  
五十五  
五十六  
五十七  
五十八  
五十九  
六十  
六十一  
六十二  
六十三  
六十四  
六十五  
六十六  
六十七  
六十八  
六十九  
七十  
七十一  
七十二  
七十三  
七十四  
七十五  
七十六  
七十七  
七十八  
七十九  
八十  
八十一  
八十二  
八十三  
八十四  
八十五  
八十六  
八十七  
八十八  
八十九  
九十  
九十一  
九十二  
九十三  
九十四  
九十五  
九十六  
九十七  
九十八  
九十九  
一百

亦清

一  
二  
三  
四  
五  
六  
七  
八  
九  
十  
十一  
十二  
十三  
十四  
十五  
十六  
十七  
十八  
十九  
二十  
二十一  
二十二  
二十三  
二十四  
二十五  
二十六  
二十七  
二十八  
二十九  
三十  
三十一  
三十二  
三十三  
三十四  
三十五  
三十六  
三十七  
三十八  
三十九  
四十  
四十一  
四十二  
四十三  
四十四  
四十五  
四十六  
四十七  
四十八  
四十九  
五十  
五十一  
五十二  
五十三  
五十四  
五十五  
五十六  
五十七  
五十八  
五十九  
六十  
六十一  
六十二  
六十三  
六十四  
六十五  
六十六  
六十七  
六十八  
六十九  
七十  
七十一  
七十二  
七十三  
七十四  
七十五  
七十六  
七十七  
七十八  
七十九  
八十  
八十一  
八十二  
八十三  
八十四  
八十五  
八十六  
八十七  
八十八  
八十九  
九十  
九十一  
九十二  
九十三  
九十四  
九十五  
九十六  
九十七  
九十八  
九十九  
一百

三  
世  
後  
中

別路九泉深江亭有約尋

世世無窮

一、法、戒、助、戰、成、吉



江上一月餘

100

用之者衆非獨

心驚水山川似

張氏

卷之十一

五、



古洪判書

威之巡撫淨遠塞阿木河前草樹亦

與之長安交酒發斷新

寄崔壯元

塞上春深不見春惟看龜湖山杏新

借筋似問胡虜已降

寄助戰軍官

塞上東北正應無隔計春風恨未休

所羨男兒一戰軍

漆原尹君

袖一書親之乃達原府院



和詩也尹高世人也喜其來與之引滿話舊  
夜闌情多悲感謹步諸公詩韻奉贈云

絕世清高孰與班時回白眼視塵顏門前車馬非  
無客獨喜君來一夜歡

鑾坡十載醉聯班今日唯君是舊顏宦海浮沉真  
莫料清遊時入夢中歡

功名欺世忝崇班趨走盡為時俗顏飽見物情隨  
冷暖何如更與故人歡

寄贈而栗蕪東康孝文

東溟萬里海雲生塞下起超玉節明日多春風吹  
不盡鉄衣猶入夢中輕

寄慶尚監司金淳



都市家家亥釀新杏花烟柳蒲城春離懷嶺表三  
千里閑時時夢故人

寄咸陽兄

三年孤索天南極數夕圍欒漢北頭對榻情談談  
未了嶺雲迢迢起離愁

又用前韻呈咸陽兄

離懷落落如春草世事悠悠欲白頭已見長安花  
似海停雲千里不堪愁

寄羅州崔子初

蛺蝶鳴鳩春事殷飛花白髮兩紛紛一鞭倘下家  
山路數載離懷說與君

次玉果東軒韻



一軒閑靜綠陰成。芍藥殘花照眼明。小邑朱陳淳  
俗在家家桑拓一區平。

功名欺世竟何成。自愧悠悠負聖明。雨露從天及  
丘壠。松楸一倍翠陰平。

十載鄉人總老成。自憐遊子鬢絲明。先塋莫罷多  
悲感。半日憑軒恨不平。

祖父母會祖墳在縣南十里許自追 贈三

代後連年在塞北至是乃承 命焚黃

次光州東軒韻

南國光山是古州。鶴歸華柱起清愁。時移節變隨  
人事。但見黃雲麥壠秋。

次全州東軒韻



千古興亡屬壯觀，唯餘蒲郭繞青山。  
聖代即今無所事，尊前詞舞簇花冠。  
富貴歸鄉衆所觀，十年依舊好江山。  
功名事業非吾分，世味無如早掛冠。  
故國逢人著眼觀，南來處處是家山。  
征討頻年頭欲白，桑弧畢竟誤儒冠。  
到京答寄全羅李監司  
十載家山始得歸，歸來慙愧夢耶非。  
祗今身上餘醺在，入眼停雲天外飛。

寄羅州崔子初

故山千里恣遨遊，處處盃尊醉未休。  
萍水浮生真可歎，如今回首路悠悠。



寄咸陽兄

千里相隨喜氣新  
丕尊處處不饒人  
為想鈴齋清意味  
東華依舊軟紅塵

呈刑曹叅判李伯正

客斷孤齋夢覺遲  
滿簾飛雨正絲絲  
故人有意如相訪  
話舊論詩喜可知

正卿以狎鷗亭詩來示有感偶吟書呈

剝啄柴扃起視遲  
來傳一幅狎鷗詩  
令人讀罷生幽思  
擬向湖山共宿期  
軒冕倘來自古今  
一篇高義動人欽  
滿簾飛雨多愁緒  
惹起江湖一段心

次咸陽城門韻



天極頭留倚半空湖南一望彩雲中試登樓上憑  
軒看千古蒼顏面面同

題春隱黃梅詩卷

千峯水墨洒餘清一幅縱橫使我驚坐對西山半  
簾雨黃梅消息正分明

金仙遺教自天西千古相傳事不齊無盡燃明一  
燈在誰知衣鉢亦筌蹄

慢從胯下求韓信競逐塵中識聖人肉眼紛紛固  
如此清風萬古度迷淪

雲盡青天白月明西風寒杵起秋聲師心鏡樹俱  
無物一段春梅誰與評

代學專次咸陽詩韻



平生幽興寄雲空  
智異名山在意中  
南國秋風收瘴霧  
飛筇擬與主人同

寄贈具體察

薰春江外塞雲合  
長白山前雨氣昏  
京洛故人頻酌酒  
冥冥東望更忘言

寄贈康叅判

鼙鼓連年尚未休  
邊城塵土使人愁  
萬里離懷誰與說  
滿簾飛雨正浮浮

挽姜領議政

晉山秀氣鍾蜿蜒  
蟪蛄山斗三韓曠  
代賢聖主祗今方  
倚重如何仙夢忽  
備然

手搏日轂上天衢  
勲在凌烟世不渝  
伴食數年陪



指畫情親况復屬殷寧

都門薤露曉聞喧  
慘淡愁雲隔九原  
千里晉山無處望  
悲風吹動北堂萱

達者從來味道諛  
昔人賢聖與為徒  
浮生何似尊前醉  
千古英靈土一丘

贈別韓子濬體察咸吉

冒雨前年涉虜庭  
送君今日思冥冥  
丈夫有志桑弧在  
已遣燕然入眼青

曾見天兵擣穴巢  
尚餘殘虜聚腥臊  
君歸掃盡非無策  
善戰如何不戰高

送金應教

壽寧

李判官

克均

為子濬從事赴

咸吉



兩君文武擅才華入幕籌邊世所多一取功名猶  
拾芥毛錐大劔定如何

送慶尚監司盧叔全

煌煌玉節照南州舊國秋回畫錦遊榮孝如公誰  
可比故山佳氣動松楸  
結髮從遊數十秋三年嶺外暮雲愁相逢草草還  
揮別有約蹉跎恨不休有遊江亭之約  
行旌千里拂炎蒸一別江濱病未能攬轡澄清餘  
事耳南方竚聽頌聲騰

醉贈三榜同年南平李使事專拜

南平太守我同年千里相逢喜欲顛落日川邊一  
樽酒懽情離思兩茫然



日已悠悠又此送而軒

謝姜景愚畫梅蕪惠桃

隔歲情懷半日傾一場高話夢猶驚  
炎中雪萼知神手相對令人散骨清

海中仙果三千歲世上塵魂一枕眠  
凡骨刀圭知有分桃源何必武陵天

一蒼袖菁川子詩來示求和依韻走次

北岳雨晴收暑溽西湖風起欲秋波  
平生汨汨塵中老泉石幽懷覺漸多

炎蒸坐我烘爐中賴有神翁一笑同  
每喜清談除

熱惱相從非欲學空空

題詩落字逐絲闌句意縈懷變態間  
禪僧好事來



相擾又費閑中多少閑

昨日西遊夢未忘  
長江流水繞平岡  
擬邀一老菁川子共賞孤亭一味涼

一菴上人用菁川韻來示又依韻爲四絕奉

呈

每愛山中掩碧蘿  
隨身塵海困驚波  
半簾明月秋風至更覺新涼一夜多

半百浮生半夢中  
夢中身世水萍同  
閑來更被詩爲癖長嘯滿然倚晚窗

軒冕雲浮世味閑  
惟知放浪酒尊間  
投簪謝笏非無意亭上何時可保閑

俗子禪翁同夜榻  
長松明月共秋岡  
炎塵暑溽休



相惱一夕凶風天地涼

讓寧大君江亭

賜宴席上次達原府院君韻

江亭賜宴集羣英榮福名亭稱物情絃管羽觴催  
醉興自慚迺拙忝登瀛

西風吹雨白鷗邊落日長江醉眼前誰信人間有  
此境冷然擬欲挾飛仙

次尹之望韻

老夫離愁倍昔年候虫撩亂一宵眠超超玉節天  
南極况見秋風已颯然

從事諸公挺妙年尊前風咏醉來眠湖南自古名  
奇勝馬首霜楓况欲然

寄子濬



東溟極目海連天塞下秋風已颯然老去離懷非  
昔日虫聲四壁不成眠

寄之望

離思秋深日更多虫聲繞砌正交加  
真前醉興成寥落籬下黃花奈尔何

一菴袖兩軸畫乃姜景愚所畫也請僕詩題  
江亭晚照之圖

江亭落日正垂垂山寺禪僧出定時  
笑殺漆園尚多事忘機更被海鷗知

題秋月初昇之圖

一夕秋風入井梧雲收天淨月輪孤  
木梢何處吹橫笛應有輕舟織鑑湖



哭李敦寧

真淳宿德使人欽政在湖南遺愛深一爵都西相  
送後江風吹露曉沉沉  
盈虛消息竟成空已覺浮生石火紅戚屬比隣恩  
意厚不堪哀泪洒秋風

權政丞往延豐溫井以病未餞以詩贈別

天恩賜餞集江樓澡浴良辰野菊秋內部新聲催  
內醞高陽酒老病為仇

題韓致義山水屏

松檜森森嶽色蒼水村山寺遠微茫江亭一夕秋  
風至相對無言倚晚涼

山下仙宮暗翠霏平蕪斷壠晚依依江南買客門



前水亭上殘碁對落暉

古木長風舞翠蛟盤空綠影陰亭茅亭中有客何  
為者閑看舟人艤竹芭

水遠天長一望通江邊高閣酒旗風倚棹扁舟何  
處客鐘聲隱隱有無中

樹老江村不勝清汀沙漸覺晚潮生柴扉晝掩無  
人見只有扁舟自在橫

飛流碎沫落天紳絕世奇觀寂寞濱舉世炎塵誰  
得脫清涼只有過橋人

遠山天外白雲堆江靜舟人睡一回亭上醉翁應  
有意門前已見拖琴來

極浦回灣秋水平橙黃橘綠渚禽鳴無人識得江



山趣孤閣危亭夕照明  
絕壁龍蟠抱古亭長橋虹卧度幽汀看來橋上亭  
中客碁局塞驢閑醉醒  
入眼蠻牋畫作奇山翁江客與委蛇塵中半日湖  
山興正爲吟成十首詩

次一蒼韻

雪中佳果睡餘來合眼沉疴一嚼開月在西湖看  
未得此生迷安坐藍梅  
兩鬢春風拂拂來粘枝飛雪作花開畢竟色香俱  
一未知渠不必問真梅

寄江原監司朴捷

山岳龍從水拍空雨晴沙軟海棠紅少年行樂非



容易千古風流在眼中

保閑齋集卷第五







保閑齋集卷第六

七言小詩

寄咸吉康監司

尺素題絨萬里情  
離懷落落鬢絲明  
邊山躑躅今開未  
都下烟花已滿城

次權正卿詩

春風白髮正交加  
滿目芳菲奈尔何  
頭上有冠投未得  
空令幽興寄烟霞

數篇清什照瓊葩  
斗覺春心一半加  
杏盡有桃猶未始  
芳期更待滿城花

結髮情親數十年  
此生恩義有皇天  
賞春一事真容易  
連歲蹉跎似宿緣



次朴健順韻賀新同副李繼孫

風雲際會鬪豪英  
咫尺天顏日月明  
世上云為皆有數  
鯉鵬變化稱人情

寄廣陵君巡察三道

日想清遊入夢來  
南州處處雨肥梅  
老年漸覺離懷苦  
莫負秋風送菊盃

寄羅州留鄉所

鄉在所以僕歷領府寄書故答之

鄉人千里冒滄霖  
尺素傳書直萬金  
欺世功名知已乏  
秋風又起故園心

寄謝茂長城主李由義年兄

以監領府遣吏解負故云

軒冕浮雲正欲休  
西風松桂故山秋  
同年城主應知我  
尚想尊鱸興未收



寄謝光州牧元公

志於

功成畢竟事悠悠浮實虛名况可休  
一夕秋風吹兩鬢不堪歸興繞林丘

寄光州留鄉所

早將書劔事羈遊浪逐浮名尚未休  
一見鄉書歸興急故園三逕又新秋

寄鄭憑甫兄

離懷千里正如何一夕西風菊欲花  
南望碧雲時入眼長安新酒已浮霞

次一菴詩韻

千古傳燈同不同蒲庭秋雨蒲簾風  
眼沙添縮中心結何似他書睡一通



一菴詩

一道西來萬古同相公閑詠禪門風因看三十

禪書卷題寄禪憲漏盡通

前是借傳燈  
詩頌故云

次前韻呈判禪宗

仁充

昨方困坐童子忽傳小簡曰自一菴令讀之  
詩一絕也遂以為一菴之詩即賔韻戲答既  
去更看小簡則乃自判禪公非一菴也其迷  
妄誠可笑也方悟心不可著如是又用前韻  
為三絕奉呈判禪公侍者以自笑且自解云  
一片心同事不同并梧籬菊共秋風讀來滿紙空  
文字只有靈光暗已通

真妄相凌混異同此心迷誤逐狂風終知未免眼



中簪拍手呵呵笑一通

本來無異又無同一點圓光萬劫風便覺妄除真自在已從諸祖借神通

寄別子濬體察江原

一夜西風生井梧海天寥落碧雲浮題絨遠寄相思字魂夢超超乍有無

贈別晉牧朴隣

青綢五馬屬炎蒸一別江亭病未能嶺外秋風吹漸遍頭流入眼碧雲凝

送一菴弟子德尚下禪歸嶺南

南遊嶺表事高尋故國西風萬里心禪曹得失空花耳一掬筌蹄古到今



問曹行源

三朝連飲酒為苦空對東籬菊有花問君氣味今  
何似身病方知老漸多

次韻謝朴延城

元亨

題詩姜景愚所畫蒲桃

見惠

筆下仁齋一架秋延城幽思更誰收高陽老子閑  
相對便覺人間更九州

庭下西風一夕秋長空寥落暮雲收半幅蠶箋詩  
與畫坐令幽興滿神州

不待西風髮已秋湖山歸興正難收賴有故人知  
已在無心乘鶴上揚州

寄魯客自燕而還



一夜西風吹雪飛長途萬里拍征衣燕酒千鍾依舊否題詩遙聞故人歸

又用前韻答之

燕山來往正如飛聽子旋旌起攬衣別後醉鄉空寂寞而今自喜與同歸

癸未正月二十六日以腫卧家翰林來示

知製

教等所作謝恩表箋傳崔寧城之

言曰諸作皆不可用今改作書呈又曰近來皆不用心作且不作者多

啓請推考

何如予書紙尾曰

知教年來情慢多文章巨手賴懸河縣監荷叩休

相笑五七其如四六何

諺傳昔縣監出使將校荷叩先行縣監曰人見或以



為詩長之印也即取自荷之○  
寧城嘗醉其為聯句或四或六

翼曰寧城次韻為四絕來贈又用前韻答之  
一夜東風春氣多晴光滿目舊山河醉聽長短真  
閑事白髮清尊奈尔何

崔寧城詩曰

綠髮岩廊眷倚多洗清東宇操天河文章一藝  
渾閑事從古隻全有幾何

斲窓顛倒日來多博洽深慚辨豕河擬向江湖  
乞骸去却嫌鷗鷺又誰何

雪深雙鬢眼花多鼯鼠區區欲飲河日笑趨來  
添技癢喜聯三字醉無何

縮手旁觀吟齒多強將溝澮效江河白頭學士



翻猶倒其奈少年新進何

題雲月軒卷

皎皎當空一片月苦被浮雲忽掩隔雲兮月兮莫  
相猜天明風起兩無跡

贈別之望兄

男子功名少壯時春風握節擁旌旗年來自恨身  
多病贈別空傳一首詩  
光山山下有荒村歸夢超超寄故園臺柳烟絲依  
舊否春風相送暗銷魂

贈別李廣陵

萬騎青緇氣染雄海天梅柳屬春風高陽病老空  
回首悵望行塵一道紅



文武全才正寡儔頻年南國作清遊負弩處處趨  
前後馬首春風吹不休

聞說病成銷瘦多可堪南望泪滂沱即今一聽承

賢語為到春風三匝羅右一首寄呈慶尚左道兵使鄭草兄兄會病子承賢

往望病食而還故云

若寄鄭憑甫兄久病新愈

昨夜同傾夢裏盃今朝尺素嶺南來開絨讀罷相

思字獨對春風咲一回夜夢與權飲朝得來書

次曹僉知親親詩卷

家傳賢子千金重堂有嚴親三達全事日短長情

可已知君歸思白雲邊

次沈判閣別墅詩卷韻



一夕西風秋草黃郊原勝地可傳觴膠膠擾擾少  
開口達者誰能抱獨傷

君愛良辰菊有香清時別墅好稱觴得閑且樂閑  
中樂世上無人不自忙

世味寧如自在遊浮生塵事白人頭名途役役何  
為者舉目蕭然天地秋

物外逍遙與化遊應知身世兩悠悠君今行樂非  
盃酒且愛林泉一段幽

欲說山林僕合更從來自信最鍾情如今可遂高  
棲志萬壑松風非惡聲

生平立志喜揚清正自憐君丘壑情林下古來稱  
客少相從且賴有蘭生



次左相吉昌詩韻

雨歇天衢不動塵  
烟花萬樹正酣春  
東風彩服西湖路  
無限欄街手額人

可笑天公好戲人  
賞春虛送數年春  
如今不待煩招致  
正自凌晨拜後塵

次金浩生韻

隨風處處落紅斜  
雨歇春城百萬家  
眼底光陰真頃刻  
韓生不必幻盆花

墻下畦蔬逐地斜  
一庭幽鳥似田家  
睡起偶然成獨笑  
春風滿面酒生花

次洪日休游津寬洞後賔金浩生詩卷詩韻

癸未五月十五日李伯玉與一菴專師請游  
津寬洞以探舊遊乃招洪日休金浩生等入



津寬寺寺皆新之舊遊盡變但有門前古木  
如舊耳還出洞口有圓峯臨水張幕共坐射  
餅聯詩極歡終日而罷津寬寺住持性明  
飯粥魚羹數椀飲  
酒數椀僧徒駢之

我昔棲山讀書俄然二十年來僧移寺新非舊唯  
有古木風回

身閑有詩有酒意適無往無來日暮歸途倒載蘧  
然夢蝶驚回

伯玉如丘舊友麻川毫隱俱來共坐圓峯突兀俯  
臨清澗周回

風微洞壑碧雲開故舊同遊共酒盃清興陶然猶  
未已天邊日暮不須回

麻川偉量為人開七椀泡蒸甘角杯伯玉百篇傾



斗酒高陽噴噴首空回

一日塵懷物外開三山天際送青來傷心舊事無人識馬上聯詩緩緩回

戲次洪麻川韻

解在前篇下題

雲埋洞壑有無中天外三峯翠惹驚舉口不須傾

七椀歸來得意已充充

范蒸七枕

爛煮堅凝細切肪縷縷落筋集水霜吸來兩枕須

史盡洗却塵中熱

惱腸

牛毛二枕

重到山中聽午鍾浮生半日出塵籠香鉢雙盛香

積飯應終七日飽

吾公

飯二鉢

溪上玉臺生暗香聯詩撚箭足觥觴飛羽無巡真

野酌幽懷可寄水雲鄉

大純升二



甘饒蒲桃白粳香正是人間所未嘗  
麻老雄豪一筋盡山人驚喜走添忙

油餅

羹湯膾炙出談鱗大嚼寧論甘與辛  
結髮同遊老益壯士林從此美談新

羹二枚贈不可盡數

呈金生負組丐老松

自識平生憚林石白頭未免猶好竒  
從君且復借霜榦正為憑添一首詩

次權吉昌韻

飛花處處起瓊塵眼底唯餘四日春  
正值太平開口笑明朝可使舊期新

次權吉昌詩韻

一生書劍尚迷津兩鬢蕭蕭白髮新  
夜看除書成



起坐挑燈到曉暗愁神

日役塵中足險巇不才况復忝崇班且莫先人誇  
捷手歸田有路竟同還

畫蛇安足待蛇成祇見旁人窺重輕老宜歸去早  
歸去說飯蒸沙身後名

頭上流光不我留誰教掉臂覓封侯欺世浮名知  
亦足從君早晚共漁舟

南國柴桑自有村竹籬茆屋掩荆門自歎可歸歸  
未得書空咄咄不須言

癸未八月十九日除書夜到起見吉昌免政  
府每與吉昌爭先辭退而各不得間今吉昌  
以病先人著鞭自念稅駕之所竟夜無眠吉



昌果以詩自誇情有所感依韻和呈

吉昌詩曰

扁舟巨浪海無津  
儆戒篙師日更新  
自是齊川無大手  
每逢風便謾傷神

分外功名每報  
願肯將衰病綴台班  
從今莫羨韓丞相  
匹馬西湖獨往還

因入碌碌愧無成  
曾信功名一羽輕  
回首十年成底事  
多慙尸素惹虛名

布衣之極足封留  
况復勲名冠列侯  
直將擎日咸池手  
閑捻魚竿上釣舟

菊齋之後有陽村  
世守忠清作相門  
敢道急流能勇退  
角巾私第已忘言



又用前韻呈吉昌

宦海滔滔競問津牛毛時事日惟新自古功成唯  
有退知幾順命正如神

早從隆準識龍顏千古功名孰與班人道大勲歸  
計早廟堂應見去將還

真人從古不雄成數首清詩萬戶輕勲業雅懷銘  
在世煌煌千載汗青名

耳熱高陽任去留生平事業醉鄉侯東籬有菊黃  
金軟為洗尊前雙玉舟

紅葉黃花郭外村高陽日倒老恩門只把醉醒為  
事業閑忙到此兩無言

僕與正卿小共遊而幸  
先解褐又於正卿擢魁之

每日撰泰存試官之列  
每撰恩泰門試官之列  
每撰恩泰門試官之列



寄上黨巡西邊

塞上秋深風漸高  
沿江諸將拂弓刀  
離懷落落空西望  
手把黃花泛白醪

次魯參韻謝惠桃

頭上流光瞥眼空  
那堪白首走塵紅  
故人仙果來玄圃  
一爵醒然起醉翁

呈趙判事乞洛陽紅

眼底春光轉手空  
從君聊復借深紅  
名得洛陽饒古意  
一簾微雨屬薰風

寄咸吉康監司

荏苒流光走壑蛇  
又憐春意屬梅花  
傳盃塞下渾如夢  
回首悠悠別恨多



次一菴韻

從君結契廿年強流水交情誰短長此身老去機  
關盡只愛曹溪一味香

少壯憑渠筋骨強指揮馳走鉄槍長如今白髮紛  
垂耳數卷楞嚴一炷香  
郊外名園顧辟強春回日暖柳絲長君應急傍寒  
梅看昨夜南枝已噴香

次姜景愚詩韻

奔走名途坐小才膏肓泉石每縈懷人生難得如  
心事有口都無八九開

荅次一菴韻

歲晚悠悠春又來孤齋清嘯待花開醉頽一夜渾



無覺起視長安萬樹梅  
荆門剥啄上人來宿醉  
餘醒恨未開可笑此身纏  
熱惱虛中苦渴更呼梅

次尹洪川志韻

白頭塵土坐藍梅對雪終朝口不開尺素開緘成  
大咲清詩正自故人來

承旨宴見招以病未赴詩以謝之

綠陰鶯語雨初收鳳沼華筵集貴遊坐想羽觴催  
急管高陽酒老病仇謀

寄言從事官

塞下秋風易感人悲茄孤角可傷神近聞胡虜皆  
歸順尊酒黃花興味新



次洪麻川韻

諸子奎章逐字香  
高陽醉興但清狂  
碧山綠水頻歸夢  
何日重尋弄羽觴  
物換時移廿載強  
唯餘詩酒少年狂  
更有麻川校巨量  
盃看萬斛笑龍驤

答寄秦寶城

長安新釀醉無何  
霜落籬邊菊有花  
南望故園天一極  
停雲千里別愁多

次金浩生詩卷

并小叙

天順癸未仲春下旬七日僕病新起天雨客  
斷獨坐金浩生適至出手卷皆先賢所贈金  
曰漁村將赴京見訪求諸毛筆仍題壁上諸



公繼次凡得數百篇中因求和於人遂失之  
今所記纔數篇連漁村手迹為卷請子和之  
乃與話舊有感依韻書懷為七絕金曾從先  
人遊僕亦長於其手先人舊人於今無幾唯  
余往來不絕有加性且磊落多高談自幼操  
筆遊事儒林交識滿朝自号毫隱

生平有癖愛中書結髮同遊有舊廬如今與尔俱  
頭白相對忘言春雨餘

少逐桑弧老把書還如龜鼈守吾廬舊人唯有金  
生在話舊輸心一笑餘

手整牙籤萬卷書青山雨歇繞荒廬適來金老知  
人意簾外幽禽午睡餘



不用長槍不用書浮生半百過蘧廬相逢一笑唯  
予汝只解吟詩不顧餘  
自賴胸中詩與書東浮溟渤北穹廬縱談數十年  
前事終是悠悠一餉餘  
已情看書况著書荆扉依舊閉幽廬世味年來漸  
嘗盡既非不足寧有餘  
老去唯看種樹書林泉招我結精廬長槍大劍終  
無用數寸毛錐老亦餘

次明信師詩謝惠扇

欺世功名便可休早知塵土白人頭禪窓半日同  
清話正是逍遙自在遊  
清涼隨手故人風明月添輝惹細竹驚破迷魂北



曠眠恍然身世南柯國

答次秦寶城韻

南中春暖烟花簇海上雲開山月高  
宦路莫如為郡樂白頭時事困牛毛

似聞政績南州最早歲知君百事高  
廢舉民安無所事新亭閑倚看風毛  
結髮憐君意氣豪如今百里政聲高  
眼見諸公還衮衮江陵何事古生毛

又答次秦寶城

南州物論是非明飽聽循良漢更名  
薦書未就心還愧嘖嘖令人意不平

千里離懷歲月周停雲入眼海天頭  
我亦家山在



南國吟君清什意悠悠

悼洪麻川

在溫陽

手捧黃封到月城諸公舞蹈開懽聲連朝健倒推  
雄俊一醉那知不復醒

結髮同遊世共知豪雄意氣似君稀人去碧泗空  
月色春風雙相涵征衣

石火飛紅在眼前春風獨立正茫然從前痛飲尋  
常事我道宦場自有天

寄次秦寶城

鷓鴣盈朝屬聖明白頭塵土困浮名故人南國  
三千里天際停雲入眼平

次上天使索竹詩韻



天上使華蜀嶺袍筆端清興寄林臯青丘還值千  
齡運雪葉霜枝化翠毛

綠玉脩脩拂錦袍驪黃不管九方臯從知變化應  
無盡但見風姿豎我毛

次上天使金湜贈畫竹詩韻

超超使節返皇州遺我三竿渭水秋望欲遠時離  
思遠從今莫上最高樓

人道三韓更九州清風颯颯欲橫秋星槎一去留  
仙跡題遍東方十二樓

藏寄黃海監司并同年

嘗從使使遊六鎮并  
廣平故縣每聯句以舉

并風以  
屬意

建節關西數十州棠陰露冕屬風流齊安已結三



生夢北塞丹楓空待秋  
黃州至安宣慰初見村厚已後知并屬情州牧養風情也其技初并之為海州常也年甚少并欲納而堅拒之時姜老為黃牧翌日朝見姜云有三生理也曰解衣即解衣二生理也曰時時便三生理也

迎寄黃南原賀登極而還

秦風急駕共南巡  
山花處處新  
客中分袂真難事  
別恨今猶入夢頻

西原城北有孤樓  
樓上離懷添客愁  
胸中蘖積當時事  
何已相逢說不休

朝天萬里入皇州  
莽莽流光不我留  
屈指計程歸有日  
灌沙埋酒待回輜

謝金學諭惠甜瓜

宿醒熱惱兩交加  
入眼瑤璃碧玉瓜  
憑君起我東



陵興一夜西風菊有花

寄金溝守高台輔

浮生事事日來新  
小少同遊有幾人  
故國天南歸夢遠  
東華塵土暗然神

答寄金判事

仁民居尚州

一夜西風吹不休  
東籬幽興故山秋  
傳緘手拆相思字  
白髮紛如起遠愁

寄贈濟州號稱御史姜遇文

日出鯨波蓬島近  
春歸海國瘴雲來  
壯觀已覺難為水  
何日逢場說一回

羅山出沒海天頭  
玉節超超一葉浮  
我亦東溟曾破浪  
知君幽思遠悠悠



送同年慶尚鄭監司

文炯

臘盡春回天氣和眼前梅雪古新羅黑頭建節如  
君少舉手人人視子多

故園千里碧雲飛送子如今有所思弟在南山死  
未葬行塵一望泪雙垂

送忠清監司金公

震智

結契交情骨肉真渠家老母即吾親憐君昨日重  
重語為子丁寧已寫神

金與僕進上同  
牛屬以老母

明時建節世推賢白髮萱堂喜泪懸區區甘旨何  
須道眼底孤雲歲暮天

挽姜中樞

希顏

結髮從遊兩鬢皤一生情契世無多血枯雙眼西



風冷獨對殘燈賦挽歌

才華德量出時流物望傾朝正未休此日在君非  
不足其如天道竟悠悠

送許琮赴咸吉兵使

地盡東溟水接天重關復嶺路三千少年建節人  
爭觀馬足海棠紅欲然

昔年度漠鉄衣寒阿赤河邊夜寂關白首如今身  
又病都亭一酌且還難

論將難賢物議中聖主千城舊倚隆此去君應圖  
所副汗青拈筆待豐功

送別濟州安撫使文公

取羅古國在南溟聞說初來動上星聖眷有歸今



按節美譽傾耳爲君聽  
南國春回梅雪殘蓬瀛入望彩雲開如今海晏鯨  
波靜十幅風帆起上竿  
呈開情親世所珍又叨僚友與忘形今日送君天  
一極春風離思正真真

答寄同年李敬臺

在全羅

故人千里一封書手自開誠喜有餘南望舊山歸  
不得春風白首正紛如

送辛長興

義興

赴任

城南雨歇百花新歸騎輕衫欲暮春老去故山空  
入夢送君猶未到江濱

柳僉知爲設酌城南山麓見邀以病未來前



此數目朴寄山仲孫設酌於此僕亦參

憶昨裁南嶺中開樽挾矢共諸公俯看萬樹飛  
紅雨具有長江拖白虹

聞說今朝尋昨遊尊前歌舞促觥籌一夕春歸事  
方急高陽酒老病為仇

次姜景醇贈一卷韻調一卷

曾聞佛道始從西白馬馱來亦緒餘尋山逐水俱  
迷妄耳坐孤齋聽木魚

又用前韻

白頭汨汨東西走黃卷紛紛糟粕餘如今捕影空  
雙手卻笑從前山上魚

又用前韻



飽暖從前已知是一死生到此寧願餘羨子逍遙塵  
世外肯將山水換金魚  
千林綠葉三春暮半世浮生一嘆餘唯有多生結  
習苦滿床詩史盡書魚

寄同年田教導稀生在石城

白頭塵土浪悠悠欺世浮名尚未休忽得故人雙  
尺鯉令人歸興可林丘

寄謝富平守李垓惠尊

白首紅塵所不任炎風况復送陰霖滿缸尊菜凝  
冰活起我江湖萬里心

答寄申司成兄

手捧題緘手自開平安二字慰離懷歸心白髮兩



相迫南國尊鱸秋又回

塵土蕭蕭兩鬢皤故山松桂問何如終宵坐聽雨  
聲急斗覺離懷老更多

挽李廣城

克世

鸞翔獨立縉紳間氣槩英豪孰與班以死傷生非  
遠孝憐君一去幾時還

以連喪未脫而殞

十載鑿坡逐衆賢當時意氣獨忘年如今回首俱  
塵迹但見丹旌拂曉烟

有形浮寄總無多蟋蟀龜蛇奈尔何白髮蕭蕭猶  
未悟滿簾風雨賦哀謠

謝開慶住持一菴惠山蔬

老夫一念愛閑適已入山人夜夢中朝來軟煮山



蔬喫城市山中滋味同

來簡云夜夢與遊山

又用前韻答一菴

少年南北逐弧矢老去如今只卧遊  
自計更無餘舊習君詩起我且休休

題畫簇

細竹清梅綠水涯東風春意滿香闌  
美人初破遼西夢獨倚花梢日欲低

題匪懈堂四十八詠

梅窓素月

書窓梅月兩高孤冷影寒香乍有無  
惆悵參橫天欲曙分明一夜夢西湖

竹徑清風



脩篁夾徑碧雲堆  
徙倚蕭然絕點埃  
世上炎蒸薰  
到骨此君應待故人來

日本踑躅

我昔雲帆掛大洋  
孤舟五月繫扶桑  
當時暫寄須臾  
更與今日相看思渺茫

海南琅玕

昔年南海獻嘉祥  
簞笏催班拜舞忙  
聖主一朝恩眷重  
已歸花裡耀神光

翻階芍藥

狂香浩態媚春空  
日午渾階瑞霧濃  
閑謝徒然不自管  
芳心準擬托春風

滿架薔薇



春深始綻黃金姿繞架長條泥露垂無賴狂風來  
取次羅帷繡幕謾離披

雪中冬由

臆底凝陰數已窮一端春意暗然通竹友梅兄應  
互讓雪中花葉翠交紅

春後牧丹

春風桃李逐飛塵濃豔依依帶露新不與衆芳爭  
早晚終然富貴保餘春

屋角梨花

簷前梨樹花飄雪寒食東風月滿梢玉色金波同  
素索終天永保淡如交

墻頭紅杏



數枝紅杏倚牆歌  
雨霽風微日正遲  
短檠高栽應有意  
春光已許四隣知

熟睡海棠

高人睡起掩朱扉  
月轉長廊香霧霏  
獨繞芳叢燒短燭  
沉吟夜久更忘歸

半開山茶

山茶半吐守孤芳  
歲暮春光所未嘗  
正是自然天性晚  
非孫淑質傲風霜

爛熳紫薇

一樹名花獨占幽  
情芬千古正悠悠  
終須對咏慙孤寂  
爛熳堪頭紫霧浮

輕盈玉梅



柔條噴薄綴明珠姑射神凝冰雪膚我道梅真  
不忝暗香疎影與為徒

忘憂萱草

雨餘階畔綠芽長日午風輕翠影涼繁枝亂葉真  
多事我正無憂賴爾忘

向日葵花

葵萼欹傾白日臨凭欄相對更沉吟人間豈乏傾  
城色所貴平生一段心

門前楊柳

上苑芳菲掩未知門前楊柳綠千絲狂風且莫來  
相擾日暖烟籠不自持

窗外芭蕉



宿雲初卷午風清  
窗外芭蕉雨勢輕  
公子祗憐能  
却暑寧知更解作愁聲

籠烟翠檜

走雲直幹已森森  
翠葉當軒暮靄深  
不有雪霜交  
曉底何緣知尔歲寒心

暎日丹楓

馬風日夕起秋聲  
墻下丹楓一樹明  
萬葉紛然須  
雨露憐渠獨自待霜榮

凌霜菊

雖下寒葩擅物華  
秋深霜露正交加  
西風吹盡寧  
憔悴不作尋常落地花

散雪蘭



雪壓孤叢楚曉蘭無人紉佩歲將闌幽香不爲世  
衰歇讀罷騷經使我歎

萬年松

苔痕剝落起霜皮生意時承雨露滋莫恠枝條柔  
且軟剛強不是萬年姿

四季花

丹萼盈盈貫四時清標端合貴人知不隨霜雪為  
摧謝肯向春風倚盛衰

百日紅

芳英相續十旬間清興悠然可解顏世上榮華無  
十日也須相就酌中山

三色桃



一枝三葉遲嬌白  
白紅紅帶露初春色  
如此人心中暖國耳熱

金華花

金華國中吹風綠  
綠都國造化二二  
三三三三三三三

金華花

金華山中吹風綠  
綠都國造化二二  
三三三三三三三

金華花

金華山中吹風綠  
綠都國造化二二  
三三三三三三三

金華花



三 霜 寒 下 等 霜 雨 報 三 雲 草 未 齊 獨 凭 孤 窗 坐

三 之 夜 寒 山 月 出 離 魂

梧 桐 葉

八 齋 睡 起 雨 聲 低 寒 葉 重 重 翠 色 漸 歸 鴉 鳴 已 見

三 寒 鳥 入 留 啼 風 作

三 寒 鳥 入 留 啼 風 作 寒 鳥 入 留 啼 風 作

三 寒 鳥 入 留 啼 風 作

梧 桐 葉

三 寒 鳥 入 留 啼 風 作 寒 鳥 入 留 啼 風 作

三 寒 鳥 入 留 啼 風 作

梧 桐 葉



衷心不為雪霜渝老餘崢嶸歲月脩正坐纏身藤  
蔓在枯榮不免有春秋

秊秋紅柿

霜深紅柿似秊秋葉盡空園實未收裂缺催體搜  
水府頽虬迸卵落寒漱

浥露黃橙

園裏黃橙浥露明朝暉斜映閃流星從渠變化江  
南北自有香風一掬清

蜀葡萄

扶撐顛倒是安宅磊落龍珠萬顆垂添竹引須誠  
好事傍人已覺秋支離

安石榴



雨歇空庭日未斜  
柔條綠暗觀丹霞  
秋來不敢食  
瓊液為愧薰風一樹花

盆池

一段清香萬古風  
世人誰是愛蓮翁  
霜深翠被彫零盡  
只有芳心死守紅

假山烟嵐

聚土階前作小山  
峯巒林壑費機關  
朝來咫尺烟嵐起  
坐寄幽懷渺霽閒

琉璃石

琉璃有石對琅玕  
瑩澈無瑕表裏完  
不是為人誇侈美  
要憑真寶鎮花欄

琤琤盆



賦形奇恠弄陰機幾世潛藏碧海湄水氣祗今先  
雨潤便令花木媚光輝

鶴啖庭松

人靜中庭寒月明孤松盤翠不禁清呼僮僕莫驚  
棲鶴要聽秋窻半夜聲

麝眠園草

日暖名園物色妍雨餘芳草綠如烟香風莫引遊  
人至山麝春深自在眠

水上錦鷄

錦鷄吐綬窓翔翔山日已高烟水長自照臨流溺  
不悟知渠為坐愛文章

籠中華鵒



華鵠依依飲啄閑  
雙雙飛舞自相歡  
無人解舉閑  
龍手豈之凌霄萬里翰

木覓晴雲

南山當戶儼蒼顏  
山腹晴雲一望間  
聚散須臾饒  
變化棲棲終不似人間

仁二暮鍾

庭樹沉沉暮色蒼  
閑齋孤寂幽懷長  
鍾聲忽爾發  
深省獨對青燈吐夜光

保閑齋集卷第六



保閑齋集卷第七

七言小詩

寄呈李參判 寧道

欺世功名已到頭，紅塵白首休未休。  
故國東風春事起，一宵歸夢遠陪遊。

挽金提學 新民

盤坡十載挹餘芳，歲月悠悠事渺茫。  
歷歷敬宗遺約在，春風哀思正荒涼。  
欲作敬宗契金公已作契文未會而卒

鳧駕觀楓岳偶成一絕呈文良韓盧兩判書  
楓岳名山世所奇，如今鳧駕共君窺。  
人人各得瑰觀，富日暮空將隻眼歸。

千峯玉立百川傾，駭目驚心世慮醒。  
出嶮就夷歸



卧穩濱溪依舊聽灘聲

又用前韻呈文良文

在高城溫井

前面奇奇後面奇其如睜眼管中窺何處真尋真  
面目終然微恍抱迷歸

折木坡黎曉色傾晴光入眼使人醒信馬行行隨  
輦路輕沙卷白送濤聲

半石相凝不用奇紛紛屑屑浪來窺不見真奇真  
俗眼從初不見與同歸

神液凝雲海岳傾刀圭誰擬宿病醒一心謹衛千  
官肅畫靜山禽不敢聲

扈駕高城雨中獨坐望山麓有花令僮移

栽偶成五絕戲呈文良賢契兼奉寧城韓廬



任諸先生共吟

為愛山花斲數叢移來正賴雨濛濛客中且寄須  
臾興莫保雲崖寂寞紅

掘地排行次第栽枝枝亦有開未開固識為紅無  
十日敷榮相繼待余回

人心無厭生豪奢窮處應知分有涯今日始論真  
富貴編茅安幕又栽花

花並松簷紅翠連相看竟日正悠然語花莫作傷  
根色渠自無心我自憐

生平笑殺愛蓮翁好事評花做異同老去更為花  
所惱誰能拔我穢坑中

晏景愚畫蒲萄扑延城題詩誤倒可李平仲



又題解設即題送次韻謝呈

蔓草支撐逐手新縱橫顛倒賴於人一筆打來頑  
殼破分明眼底一般真

一架蒲萄秋意新半簾飛雨白頭人盡詩倒順終  
何與為尔紛紛辨偽真

老去浮生事事新玄機轉弄迷入眼前依舊紅  
塵暗白髮蒙頭尚此真

贈別金參議

未滿

年兄赴京

都亭別恨雜懽欣結髮情親為有君鵬嶺間山秋  
色瘦朝天一路入燕雲

一盃相屬笑談欣白首秋風又送君歷歷舊遊猶  
在眼鶴歸華表鎖寒雲



箕城老幼舉欣欣額手爭看舊使君  
立馬大同江  
上路烟沙依舊淡秋雲

金增壽下

丙戌重陽日贈別朴左相延城奉使嶺南看  
牧場

嶺外黃花滿眼秋萼鱸歸興日悠悠都亭祖席紛  
車馬悵望行塵恨未收

南國紫桑是我鄉黃花赤葉況重陽送行一首荒  
詩亦從此歸心一倍忙

寄崔慶州

子初

解綬君應不日來胸中可盡無限懷老覺浮生閑  
太貴已菊春酒持花開

寄李司成

其并



尺素開緘故友書相思不見四年餘  
我亦柴桑在南國春風白髮正紛如

題送日本使僧海雲詩卷

聖人乘運握乾符聲教東漸出日隅  
萬里梯航重譯遠輸誠寧復憚艱劬

東國從來尊釋教誦詩持節必緇徒  
觀光無限如師少道貌清修年德俱

我昔東遊海拍空雲颺千尺駕長風  
栖芳池上瑤閣正值芙蓉萬朶紅  
兵庫原頭沙十里霸家臺畔松萬株  
令人送子生遐想歷歷舊遊空畫圖

寄咸吉康節度



那段山前躑躅花榆錢楊白柰渠何東溟萬里無

窮意石柱依然唱舊詩李石柱曾於北征每唱此詩其聲依

舊故云

護鄭軾元夜見殮殞有感書懷

時方杏花滿庭

眼底雙梭爭逝輝春禽啼盡杏花飛英雄蓋棺事  
還了六十一年空手歸

往歲迎賓席地沙尊前詞舞滿庭花今來帶泪看  
紅雨只有春風吹鬢華

次琴以詠韻送金濟州

好

朝著推賢物論公肯雲萬里遠冥鴻盤根利器今  
應試好播芳名惹大東

人生南北屬天公一片孤帆雲外鴻故舊彫零君



又遠春風離思滿天東

禪宗判事壽眉見訪翼朝詩謝

睡罷孤齋獨老身雪殘垂柳又新春門前長者多  
車轍瓶錫飄然有幾人

老宿康強有舊顏知公道氣後天完從容談笑論

家舊始覺浮生有箇閑師南方人師之師音從小生會祖遠故語多及之

道岬山溪雀舌茶窰村籬落雪梅花也應知我思

鄉意說及南州故事多道岬寺在雲岩寺之西佳處村荒州之院井里

人舊詩

答寄梁安東敬老

新三梅柳怯春寒故友情懷荏苒間自髮婆娑猶

未已空令歸夢遶家山



寄全羅朴監司

別恨悠悠歲月忙春風玉節照南荒老夫白髮紛  
如雪空遣紫桑入夢長

寄謝慶尚監司金謙光惠養老新書

故人憐我鬢紛如為送新刊養老書白首婆娑休  
正好春風挂酒載安車

兼廟遷陵挽詞

天生神聖闡雍熙堯舜相傳屬有為盛德不應隨  
世沒至今三代守成規

舊域初移玄闕開鬱蔥佳氣集昭回人間變化今  
三世萬姓新喪考妣哀

功成治定樂昇平讐校金鑒集俊英當日侍臣今



白首不堪哀泪洒春風

疎慵孤讜不宜時遺托那期及賤卑白髮隨行空  
碌碌一生慚負聖明知

昭憲王后遷陵挽詞

總配坤元作母儀關雎麟趾贊雍熙從知餘慶流  
千歲聖子神孫守燕貽

治平從古自宜家聖德儀刑內助多遺澤在人深  
且厚萬民奔走泪滂沱

新隧佳城春爛熳舊陵殘月曉蒼涼老臣世受恩  
榮重悲慕終天抱恨長

寄金濟州

好仁

舉目扶桑出日紅海天寥落又秋容南溟木道三



千里寄意相思二字中

祖入選見訪仍惠磁石松檟馬價木杖以詩謝

獨坐孤齋午睡回前街萬丈漲紅埃荆門車蓋非  
無客但喜高人錫杖來

道俗休論各異方兩家交契世緣長高談便作清  
涼界閑了人間半日忙

氣機轆轤自凝奇變化此雄鐵與磁可笑此心迷  
處所上人方便導人知右磁石

愛書成癖老還多白首婆婆索尔何已悞惠來應  
有意可觀身世被渠磨右於磨

半百都忘少壯心筋骸痿弱老駸駸渥洼龍種真



無價晨夕扶勢直萬金

右馬價木炭

寄平安監司魚世謙

天氣炎涼瞥眼間漸看風雪滿關山  
松亭醉詠渾如夢日暮蒼雲眼底寒

是履伴送天使而還

次申司成兄詩韻

旬日胸中吐盡幽江濱別恨更悠悠  
如今悵望還依舊白髮三千孰與愁  
歸卧家山愜興幽紅塵奈此尚悠悠  
固知聚散由天數不免挑燈五夜愁  
平生行義洞明幽病卧那知事繆悠  
一箇明珠今繼照天公到此解人愁

次高山寺詩韻



子洞孫從洽讀書城南高山寺一日持一  
軸來謁曰河東鄭相公再遊於寺皆有詩  
亦有和者寺僧學追為之軸乞我河東我  
恩府也見軸有感為和四絕還之

松陰蒼翠合山南蒼外蕭蕭風雪酣俯瞰積蘇紅  
萬丈人間變化入僧談

碩德勲名擅斗南高懷坐玩是非酣為憐小寺無  
塵跡時聽山僧世外談

我今欲為佛和南半百功名一餉酣軒冕倘來非  
素願浮生得失不容談

手題一絕寄城南變化龍猪世味酣規矩詩書真  
切比看來且莫作常談



寄濟州金安撫 好仁

年蛇赴壑閃脩鱗  
臍底窮陰又欲春  
海濶天南歸夢斷  
故人離思鬢絲新

題古畫屏十一絕

漢河問正

坑火愚黔黃老餘  
人文墜地馬牛裾  
得傳斯道真如綫  
尚賴河間萬卷書

張良

推秦博浪為韓仇  
手揣乾坤借筋籌  
赤松四皓終何用  
黃石同歸土一丘

諸葛亮

漢火銷沉不可扶  
臨危受命但忘軀  
論人不必論



成敗千古猶傳八陣圖

慕容恪

清談誤世神州空滿目  
干戈羯與戎獨有玄恭遺  
愛在英雄不必六經中

元勰

懋德清規世所知  
松貞竹節歲寒姿  
握蛇騎虎終難處  
虛托平生有所期

宇文憲

消息存亡事不違  
功名畢竟覆危機  
樓風吹斷堂萱萎  
空使官僚辨是非

宋璟

世間非義莫相加  
正大平生疾佞邪  
固議強剛為



易折弛張時擬賦梅花

郭子儀

百戰功成世道夷勲名富貴享期頤臨淮不免終  
羞死一段忠誠獨不虧

李沆

遠慮深思保大平當時先見獨高明欲知家世傳  
清儉看取封丘大祝廳

岳飛

一身許國奮孤忠唾手燕雲意氣中誰使英雄身  
不保天心到此正夢夢

文天祥

大運將終天命移英雄無術可扶危成仁取義心



中事留照汗青人得知

陸秀夫

大厦將傾一木支頻年航海竟何為行宮日暮崖  
山暗泪濕朝衣萬古悲

人道高易老癖奇心中今古兩紛披屏上諸賢無  
限事悲懽不滿數篇詩

同年進士崔孟漢流落十數年今放還其舊  
居昌原府之盲山云手栽花木已皆成林

十年流落寄林丘白首歸來亦不留昔日交遊零  
落盡相逢一咲暗生愁

盲山春盡百花開巷柳園桃手自栽我亦故山在  
南國隨君便欲去歸來



寄全羅許節度琮

白首紛紛如尚未歸故園梅柳又春暉侵晨題罷相思字一望天南為一欹

題義禁府畫屏

何人玩世獨懷奇坐對天紳萬丈垂欺世浮名休不得令人慚愧鬢邊絲嚴光釣

涼生水閣柳垂絲書罷籠鵝意氣遲白首藝成竟

何用生平汨沒坐毛錐

義之書

頃刻看慕已爛柯眼前千歲不為多穠華亦是須

吏事報道桃花柰尔何

桃花

雙鬢蕭蕭紫陌塵還丹無術兩毛新三年一葉成何用洞裏桃花笑殺人

桃源



寄濟州節度金同年

好仁

白髮紅塵老未休  
浮生時事水東流  
離懷落落三千里  
雙鬢蕭蕭又一秋

一夜西風吹不休  
頭邊光景正如流  
海天寥落垂南斗  
眼底停雲已兩秋

又用前韻寄金濟州

時事紛紛便欲休  
新涼况復火西流  
愁雲碍眼天南極  
獨對東籬菊有秋

又用前韻寄前人

老去離愁不可休  
青山並海翠如流  
歸鴻渺渺天邊遠  
瘴霧初收水國秋

送別燈谷祖上人還山感舊書懷



上人以世家華胄早厭統綺離塵出世栖  
迹烟霞自遇知我世祖大王招逆往來  
京都竟寄修緣度世而亦非上人雅懷所  
樂也及世祖棄世為創伽藍於陵側  
上人為住以監之事既訖而世祖練祥  
亦闕上人備然欲還舊栖馳書需一言為  
山中閑玩僕在世祖之側往往見上人  
而不得一叙懷抱嘗以事遇於楓岳論及  
家世之舊傾盖定交襟期亦有相契者今  
於其還也感今思古遂為八絕以為贈云  
莫恠門庭施設殊心中規度墨名儒報德酬恩俱  
已了秋風拂袖出塵區



朝著維吾方外君當時俱受聖明恩一望光陵

碧雲合相逢不免暗銷魂

墜足紅塵久未歸故山猿鶴待回期手中藏錫還

依舊明月清風憑阿誰

來不相從去不追更於何處賦睽離此心豈與人

離合千里應同對面時

紛紛役役度浮生鏡裏依然白髮明便可歸休休

未得搖搖心緒逐春旌

水逝雲行誰使令胸中計較空崢嶸十年消息隨

泡幻只有松蘿山月明

人事悲懽百歲間孤燈耿耿意漫漫一生汨沒何

為者白首紅塵望碧山



西風寥落已秋天觸物興懷更慨然一片歸心非  
不急祖公今又著鞭先

送韓中樞

以聖節使赴京

遼天鶴去閭山盡燕市秋深易水寒卧想舊遊猶

歷歷計程醺酒待君還

謝安叅判

若原

自原平村莊送鰲鵬

白露凝寒一夜風起看黃菊在籬東少年狂態今  
猶尔右手持盃左手空

送尹二相

相

觀察慶尚

新羅古國有遺民千載相傳俗尚淳不幸連年遭

旱暵

聖君宵旰倚仁人

薰風棠樹綠陰齊玉節煌煌照帶犀欲見前年遺



愛在南人額手走黃兒

前年尹公以暇  
使往嶺南

與子先朝共受知飛冰落鏗上宸詞雲斷鼎湖無

處望送君心緒逐風絲

戲次李伯玉惜花詩韻

伯玉自叙曰吾於年前過楊州見紅芍藥  
爛開愛之斲一根種之花塢培土而灌之  
朝夕望成今則枯矣傍有雜卉甚多培養  
不如是之勤而莫不敷榮暢達物之有精  
華者常惠不威豈造物者之見猜也耶吟  
成一絕以示金敬甫洪吉甫兩隣丈詩口  
名花當日好移栽培殷勤日百回造物  
不知何似者春來不遣一枝開金洪各有



和連爲軸以見示云初金之和是詩也吟  
方苦夫人在傍問何詩金言其實而釋其  
詩夫人哭曰聞李家有羨人新死者此詩  
豈直指死而已者哉君何見事之晚耶金  
爲之撫掌遂和其詩云君不見韓昌黎早  
將倩挑風柳園中栽那知後日傷心鎮州  
回榮枯聚散物理固如此不如邀朋觴咏  
好懷開

瞥見穠華便手栽明眸况復向君回傳情寓物詩  
家事不覺皺眉爲一開

天心傾覆且培栽浪使悲腸日九回尤物移人君  
莫惜春風卷地百花開



若要栽花次第栽須今日日看花回縱使不枯開  
便謝為君安得鎮長開

答寄裴宣慰

人言鶴髮在萱堂更喜君為里開光我亦白頭休  
未得歸心感意兩悠悠

寄忠清監司金年兄

腰間橫帶照黃金正節迢迢棠樹陰士女攔街看  
露冕白頭還有少年心

送禪宗判事

壽春

師還道岬

鄉人手額街塵淨內使傳宣駟騎飛故國山川依  
舊在霜花粧點待師歸  
錦城暮色炊烟斷道岬秋光柿葉稀猿鶴舊遊休



更惱如今禪老已忘機

真偽紛紛混未休人心世道漸悠悠縱無禪老堤

防手眼底曹溪欲倒流

光山山下是柴桑松竹蕭然菊有黃今日豈徒離

思苦一宵歸夢亦淒涼

生長南州世共懽中家故事舌翻瀾箕叢祖業能

承否十酒篇詩興未闌

師之師嘗從師言醉處事

題成重卿遊金剛山行錄後

扈駕曾從管裏窺十年幽思尚依稀得詩一洗胸

中穢可笑高易老癖奇

寄永安鄭監司

年光荏苒白頭人鴈雪消殘春事殷一望東溟山



萬疊老來更覺別愁新

寄贈永安北道兵使宣

結髮同遊五十春紛紛時事眼中新  
鐘山躑躅開猶未離恩春風入夢頻

答寄永安鄭監司

一望重關塞路長東溟初日正蒼涼  
開緘萬里相思字况復春風異味嘗

早昌寧府院君

別舍清幽可寄閑南山當戶儼蒼顏  
對床依舊清談苦日暮充然獨自還  
日暖庭除翠影濃殘花幽鳥尚春風  
園恩未報身還老相對嗒然兩病翁



與君憂國此心同  
白首酬恩尚未終  
相逢開口非私意  
半日論懷總為公

贈別江原監司李克墩

聖君宵旰為憂民  
今日分憂物望新  
聞說東州民力盡  
須寬一分導深仁

先公門下受想優  
候忽如今三十秋  
都亭分袂非難事  
老病侵人不自由

昔年扈駕到關東  
正值棠花滿地紅  
白首孤齋今獨卧  
送君愁緒掛蒼穹

在麻浦客樓別全謙光折簡問安

時賜水于

汀蘭岸芷屬清秋  
落日孤烟水自流  
一夜江鷗寒



入夢病軀從此可歸休

荅姜景醇見問

江湖曉漲水連天  
隔岸人家生淡烟  
因病得休真自幸  
一宵來伴白鷗眠

謝梁參議

順石

見問

老病駸駸似卧馳  
閑鷗孤鶩奈吾何  
尚有舟中一席地  
白頭何事更婆娑

次同年洪僉知

敬亭詩韻

江菊秋深尚未殘  
一盃相屬豈為難  
如年浴罷身還健  
吟盡乾坤眼底寒  
老年衰病兩同殘  
流急其如勇退難  
數日江濱甘寂寞  
鷗盟從此未全寒



又次前韻

身世悠悠半欲殘，殘年得復少年難。  
舊遊零落餘無幾，與子終期保歲寒。

孤燈耿耿夜初殘，心緒紛紛待曉寒。  
雖名成未退身，還病江上秋風尚慟寒。

孤帆未落日西殘，風起潮回半易難。  
西望海門應未遠，青山雲盡劍鉞寒。

生平氣槩老將殘，漸覺衰遲強作難。  
猶有少年餘習在，欲憑盃酒當秋寒。

謝任子深見問

數日長江寂寞濱，始因身病作閑人。  
生平故舊彫零盡，世上唯君見問頻。



子深次前韻來惠又賡呈

誰能十里問江濱  
數首清詩有故人  
浴罷慟寒猶閉戶  
時時獨自朗吟頻

日夕安閑卧水濱  
世間知有狎鷗人  
急流勇退誠何日  
咄咄令人竊歎頻

暮烟秋草荻花濱  
無限乘潮弄水人  
舊習消磨猶未盡  
明窓手理釣竿頻

多病年來死與濱  
固知非病老侵人  
樽中有酒不敢酌  
空問江干菊綻頻

用前韻謝曹昌寧惠梨

今來寂寞卧江濱  
地僻誰能問病人  
熱水浴餘成肺熱  
適然瓊果惠來頻



金留守

我與洪愈知 見訪用洪愈知前

韻謝以方浴不得見令子深等饋于亭上

熱水蒸蒸氣力殘  
渾身如雨汗收難  
自羨兩君猶少壯  
江亭更不怕秋寒

氣力雖殘心未殘  
尊中有酒共君難  
且願更留亭上望  
海鷗初去鏡光寒

又戲用別韻示金洪于亭上

白沙青草遠縱橫  
潮退參差洲渚生  
為告兩君休早起  
待看斜日半江明

清江綠酒奈如何  
結髮情親世不多  
萬事到頭還

可笑兩君今聽夏侯謔  
夏侯謔見以詩傳意故云

謝成同知

文惠挑



窓外長江秋氣高  
怯寒時復換新袍  
病身浴罷相如渴  
珍重來傳海上桃

寄黃海監司李同年

丙

漸覺離愁老  
更多東籬霜菊放  
新花乞骸近欲休  
官去麻浦秋光泛落霞

在麻浦謝姜景醇見訪

長江潮滿水徘徊  
兩岸青山畫障開  
載酒來尋戴安道  
秋風日暮孤棹回

次韻戲呈寧城綾城

唐駕在

紛紛市隱與栖山  
咄咄高陽嘆等閑  
人情曷遠不圖近  
卧睡寧城隔帳間

輦下承恩醉與長  
碧幢燒燭夜傳觴  
諧談朗詠觥



壽促笑殺春風陸指郎

春日未庭夜尚長殘燈耿耿可無觴人道高陽真解事河間還笑解裙郎

惺惺之與陶陶者兩計君知孰是閑綾城遠引寧城卧圖避真為伯仲間

獨自悠悠任醉醒令人局局咲忙閑萬轍千歧迷去住無如直走醉鄉間

有興寧須春起興真懽不借酒成懽連帷晨夕承清話隨分身心到處安

床底畏蛇常顧睛盤中只喜絕蠅營雲霧放山還舊態鵲鵲侵曉作春聲

大駕將還戲示寧城諸公



每計歸期坐待朝歸期已迫更無聊三宿豈忘桑  
下戀溪聲嗚咽倍前宵

良辰奄 駕側羣芳一月溪邊醉不醒更待明朝  
上馬去蒲芽發茁為誰青

清時奄從共南遊豈料人還君獨留馬首春風吹  
不盡離懷歸興兩悠悠

題溫陽壁上

前年雲幕繞行宮日日承恩醉興濃滿目如今空  
碧草不堪哀泪洒薰風  
雨霽山青麥壠平滿胸幽感不勝情溪邊痛飲承  
恩處但見萋萋芳草生  
夏夜沉沉坐待晨夢中依舊更承恩玄談方洽還



驚覺枕上淋漓空泪痕

世祖嘗謂論夢極盡情理

恩義君臣骨肉間微忠際遇擔河山此心不為幽  
明隔又侍從客一夕懽

一團真性沒高低幻紛紛苦不齊聖訓昭昭猶  
在耳如今又被夢還迷

浮生變化孰知真日見紛紛萬事新十載詢詢蒙  
指道至今猶作夢中人

一夕風雷雨瀉盆神靈變化孰能聞床頭寂寞燈  
生暈百感縈懷坐夜分

山勢周遭落日低晴川繚繞暮光迷沉吟徙倚無  
人識黃雀啾啾鶯又啼

行殿荒涼鎖赤除悲懷觸物正紛如眼枯血盡心



迷妄身上唯應一死餘

早年攀附効微勳結髮孤忠荷

聖恩百計仰酬

無一路唯知結草報新君

成化己丑孟夏上旬六日從大監崔安到溫

井溪山如舊行宮寂寞追懷昔日不覺痛哭

望日金從舜受命來設慰宴是夕醉卧夢

中侍世祖講夢究極玄妙一如平昔懼宴

方殷忽尔驚覺恍然魂迷凡留十日或雨或

晴觸物興懷吟成十絕題于佛堂南廡壁上

庶幾小抒悲慕之懷

次韻寄鄭密陽山景

昔日同看定六雄中霜落缺衣明如今白髮紛



如雪卧想當時踏自驚

寄贈李公州

未者

流光汨汨不曾留共步烏臺二十秋聞說故人高  
卧穩起予歸興更悠悠

今從天使到溫陽留數日咫尺相望却不自  
由悵然而已浮名欺世白髮蒙頭尚未能休  
慚愧故人不堪歎美情現於詩

寄道岬眉上人

十里溪山古寺深松杉手種已成陰南中日月秋  
風起擬欲相尋話此心

次寄司成兄

爭墮紅塵髮已蒼兄今歸卧又悵悵隔年南北相



思意況此春風梅雪香

次寄司成兄

南北真成生別離  
停雲時雨使人悲  
白頭汨汨何時已  
一片歸心世共知

寄平安監司金謙光贈扇予

天上陰雲曉換雨  
人間酷熱扇炎塵  
憑傳兩地無窮意  
敢道清風自故人

寄慶尚迎寧尹弼商

旱災方緩又霪霖  
聖上憂勤日更深  
聖州鎮外無遐邇  
憂國憂君共此心

贈李專齋

十載湖南又嶺南  
浮生聚散正難堪  
雲從桂嶺看高



易老獨對春風醉興酣

十年相別一相逢依舊情懷白首同 聖主祇令

方倚重商山靈冕又春風

贈楊淵齋契

世間翻覆雨雲交夙昔情親漆與膠  
隔載難憑知幾許相逢兩鬢已蕭蕭

萬里秋風送子歸情談一夕別懷遲  
遲邇來京洛多奇事說與青髭校使知

題徐剛中西征錄後

作客燕山問幾秋如今高卧思悠悠  
沉吟半日西征錄落山河盡舊遊

送徐剛中李可成兩客坊扈從 東宮



卷之四 他處駕諸君氣象新何用上林勤

時

正和徐剛山訪子瞻于漢江樓馬上口

口

二 世示 時 照鞍數子同更上漢江樓

三 次 主 時 書 中

三 示

二 事 逐 世 事 紛紛日更多坐尔浮名空

三 和 五 十 年 何

三 示 卷 之 四







保閑齋集卷第八

五言四韻

次工部夜雨詩韻示謹甫

可愛江邊草萋萋春似秋山明猶夕照水靜只孤  
舟杯酒愁連醉笛聲悲遠遊龍灣留滯久饒倚望  
葦樓

次工部韻示謹甫

他鄉吾與子萬里獨離羣西北愁黃鶯東南望白  
雲山花憂裏見春鳥醉中聞不是謀身計無端心  
緒紛

次工部韻示謹甫

義州為鉅鎮鎖鑰國西門極塞無烽燧村居按圃



園民安開夜戶麥秀暗春原客子感時物紅殘綠  
漸繁

謹甫見次

地脉連遼境江流接海門漁樵常頓頓花柳自  
園園露重紅歌岸燒殘綠遍原春光供遠矚山  
木漸成繁

次工部秋晴韻示謹甫

客裏還多事頭慵一月梳山光侵戶牖草色上庭  
除憤把澆愁酒憂絨寄遠書他鄉江北是明日更  
何如

謹甫見次

花壓水為鏡草纖風作梳清興因詩得幽愁用



酒除三春殘客路一月隔家書句句先生傑吟  
吟愧不如

次工部中宵韻示謹甫

歲州鎮千戶騎馬能射疏風月吟中困江山眼底  
虛但知杯有酒不嘆食無魚畢竟超弓劍從來誤  
讀書

謹甫見次

今人棄古道貴賤作親疏已識身如寄從知名  
又虛城外遼陽路盤中須水魚撐腸何所有磊  
落五車書

在遼陽館次工部韻三首示謹甫

今日春將去東君奈爾何只愁紅影盡敢喜綠陰



多寂寞遶陽館清江客裏歌倦遊偏有感光景轉  
頭過

五日無人地行行踏澗橋  
寄山園野壘喬木軟雲  
霄古意迷華表驚魂特楚招家鄉無處望時入夢  
中遶

佳境眼中過狂歌客裏清  
林開時見鹿春盡未聞  
鶯原草饒蟲馬山蔬歟  
淡羹前程自有限須起  
晨行

贈楊定

友人

旅館無人訪長居客裏  
齋極樽曾勸醉談笑又閑  
懷乳燕簷前語清風窓下  
來滔滔趨利者詎識厭  
塵埃



燕山路中次朴府尹馬詩韻

初心終不遂自覺漸頹摧  
遇事愁多緒逢人色發  
灰偷安無善術嫁禍有良媒  
萬慮還膠固坳堂水  
覆盆

少小離懽愛哀哀風樹摧  
荒墳崇尺土玄室歛寒  
灰子道終無似名途強  
逐媒幸今遺托在萬里侍  
尊盃并先父同年

挽鄭政丞母崔氏

完山鍾秀氣淑媛繼家風  
年歲來名閥貞姿配相  
公八旬榮養極一夕夢  
沉空幹蠱國柱石揚名在  
大東

次李巨濟女識詩卷



水國初還邑人安遂及神循良廷有議武略古無  
隣發政仁威著宣麻聖眷新行春應露冕手額走  
邊民

次仁濟館板上詩韻

窮谷民居少坡田幸有年林開知有路山合似無  
前入斷溪源淨日斜霜葉然郵人三兩戶寂寞正  
堪憐

孤館蒼崖下蕭條不記年橫行絕漠外投宿大山  
前歸夢三更盡青燈一點然功名身後事役役使  
人憐

次洪判事

逸童韻

故人唯有子結髮宿懷深談笑江邊飲歸來馬上



吟盆尊多故意鷗鷺起春心雲雨饒翻覆寧愁半  
日陰

又次前韻

小少交親辱同遊歲月深往來常與醉酬酢慣成  
吟餘子多相識唯君不改心世情饒變態冷暖似  
晴陰

行樂春風早懽情江水深踈荒慚鄙作磊落喜高  
吟義氣丈夫事交遊時世心憑君且把酒落日下  
山陰

次光州東軒韻

十載宦遊客歸心百折東鄉人猶舊面旅况屬  
風極挂天恩遠松篁馬鬣空無從問往事亦老  
羣



重重

曾祖母墳在州南七十里許

題光州西軒

令嚴守令例不以修整館宇為事坐視頽毀吾同年柳公穀為州牧事既理又能新之為人所不為詩以為賀

西軒舊湫隘制度今與然鄉人多戚屬城主況同年政理無前日循良比昔賢歸來記吳事援筆寫荒篇

次撫夷樓詩韻

以焚黃掃墳受暇南來至錦城臨別李公子至光州柳君穀靈光金君永淵南平李君專辨珎原李君貞粹綾城金君栗咸平



李君渙州之校書正字羅仲山進士吳慎

仲光州之進士崔恭與僕同年也

李君寬長興卞君杞錦山李君始

髮故交也水使江城君奉公石柱靈岩

君憫同盟也皆來見慰前監察了君克仁

自泰仁正字柳君休復自南平亦至皆布

世交也從兄子橋惠翁守咸陽又來州牧

崔君善復子初切親也半刺卞君崇信也

與之登樓極歡有感而作

登樓集舊友置酒且張候故國千山暮歸心兩鬢

秋孟樽詩舞簇軒冕雨雲浮聚散憐萍水清懽夜

未休



次谷口軒板韻

朝來谷口驛坐聽白鷗鳴村近淡烟碧天低初日  
明餘濤席卷危石駭天成客裏須臾興雲橫海  
面平

次吉州東軒韻

移州曾卜地聚石不成城樹木時時見雲山處處  
平麾軍試陣法訪古驗民情節度愧才拙巡邊敢  
自榮

寄權正卿

東極來千里邊城月再盈隔江皆虜聚問地半胡  
名龜羯薰人苦風沙拍面輕和戎才正拙兩鬢雪  
華明



踰槍嶺宿雄耳站

正程不計峻峻嶺倚天傾風起松杉舞水開水石  
鳴遠山連雪暗斜日漏雲明向晚投孤館身安夢  
不驚

一菴以徐剛中詩一首無其所和來示邀人  
作賡韻書懷奉呈

病骨高易老松堂白首禪閑忙歸蝶夢身世屬蟬  
眠方外溪山癖塵中膏火煎人間無脫處物我任  
相纏

萬彙方生意東風不屬人對時憐荏苒舉酒愛遠  
廵壯老非無句陶翁自有巾起予詩兩首清興忽  
乘春



自憐墮塵土不得作孤禪世事多方誤人生一向  
眠濃鮮長醉飽藥餌困魚煎更被詩為祟應從萬  
劫纏

半百仍多病蓬頭作老人名場終放蕩世路尚遼  
迥洒墨無停筆吟詩自岸巾感時還感物烟柳已  
浮春

挽河鎮議政夫人

早歲配名德貞規世所儀蘭蓀滿畦畹鮎鶴壽期  
頤榮養人聞是哀歌薤上晞松揪生曉霧玄室與  
同歸

次諸公送別金執義分臺永興詩卷

朋遊同惜別朝議共憐才青海人無箭單于舊有



臺鑑明紛就緒手快電隨雷歸興且毋滯臆殘春  
又來

蓬桑髻亂忘風雪海山迢邊俗能騎馬胡人喜射  
鵬遠遊悲歲暮治劇見才高簪笏歸應速堂堂立  
聖朝

次琴以詠韻送金濟州

耽羅古海國王節丈夫行文武全才俊朝廷峻選  
精分符膺重寄宣化及生靈漢文循良傳知君稱  
物情

南中春欲過萬里送君行土窟今遺跡星芒古有  
精山竒多異卉境淨集羣靈海闊雲颺遠離懷逐  
宦情



光陵挽辭

中興奮義烈塗炭極黔蒼整屯乾坤大重明日月  
光享天湯一德約法漢三章燕翼熙謀遠提綱萬  
目張

聖人應天眷景運屬屯亨辟易驚神象繽紛落夜  
星慶雲昭九漢嘉瑞集明庭邇邇覃仁化臣民共  
大平

建極續丕緒內修亦外攘文熙昭遠邇武烈涉窮  
荒錫賚傾中國德祚走四方正期恢大略天道忽  
乖張

遭逢自在閭國士便蒙知萬里從羈勒千山倍險  
夷傾心輸肺腑附翼際昌熙奔走誓圖報終身以



為期

豁達善為託蒙恩臣獨多中堂效夷盤上壽命中  
家瓢剖盃無底永飛菊有花推誠踰骨肉千古更  
誰加

大勲應享福萬歲保長終鴻業方凝績龍朔奈棄  
弓十年酣一夢萬劫抱孤忠風雪橋山暗空垂血  
淚紅

魚中樞

孝瞻

母氏挽章

貞嘉配儒雅琴瑟正相宜寶樹欽庭秀芳規仰壺  
儀遷家敦義教斷髮結賢知終始哀榮脩都人亦  
涕洟

古道今誰繼紛紛時世人情交垂後嗣深契自先



親觴舉申家舊厨傳雪膾新曉燈題挽罷悲感倍

傷神

先人詩有曰煩君在效中家法前伏堂前自舉鶴又曰雪羹時復作漁郎皆為先提學公

作

次剛中韻送一菴上人西遊

昨夜秋風至雲收天色高今君黃海去棄我白頭  
遙落落縱雙脚悠悠隨百寮題詩贈子別不免喜  
憂交

次洪同年

敬孫詩韻

交交無多在彫零正可傷惟君故意薦白鬢此身  
康誰慰詩書腹猶非肉食腸吹噓如有路予所敢  
言荒

洪同年

敬孫以詩來謝次韻以答



功名羈世務書癖坐儒酸  
毋惜將殘景寧回既倒  
瀾避入空竊嘆對食更忘食  
舊友知心在論懷尚  
又難

寄贈醴川守鄭同年

從龍

故人為親老嶺表宰絃歌  
超迹關山遠蒼茫風雪  
多青雲浮宦海白日逐年  
蛇未退愁流急空嗟  
已華

保閑齋集卷第八















卷一百一十五

卷一百一十五